

母語繞口令

1. 剃頭

剃頭的去予剃頭仔剃頭

剃頭仔共剃頭的講

剃頭的你著咧共人剃頭

為啥麼閣來

予我剃頭仔剃頭？

2. 樹頂一隻猴

樹頂一隻猴，

樹腳一隻狗

猴跋落來碰著狗，

猴也走，狗也走，

毋知猴驚狗抑是狗驚猴

3. 一個老伙仔 駛一台花車 載著真濟花

一個老伙仔 駛一台貨車 載著真濟貨

兩台車行到四支擔，拄到一台火車拄卜過

老伙仔目睇一下花，四支擔看準是菜瓜

貨車撞著花車 花車撞著火車

火車車頂全全花 花車車頂全全貨

火車司機煞流血 貨車煞著火

貨洽花，花洽貨，落落歸四界

兩個老伙仔落車著起花

這個老伙仔卜迄個老伙仔賠伊的貨

這個老伙仔卜這個老伙仔賠伊的花

花花花，貨貨貨

毋知是 這個老伙仔 愛賠迄個老伙仔賠伊的花

抑是 迄個老伙仔 愛賠這個老伙仔賠伊的貨